

沁州志卷之十

郡守武陽雷 愷爰和甫重修

藝文

喜起熙工阜財解慍實千古文章之祖首紀

御製揚天葩尊渙號也至如異地鉅公此邦鴻筆澄心眇
慮深理巧辭或表典型或裨風教搜羅掇拾冀以徵
往信來若夫川露風雲無關掌故雖嫺藻潤弗槩登
也志藝文

御製

御書上諭賜大學士

臣吳璵

康熙四十一年五月二十五日

尋章摘句華麗詞藻非帝王之所本朕四十餘年惟日兢兢未嘗晷刻少釋萬幾自警有始無終之誚念茲在茲也政事稍暇頗好書射歷年以來所積臨摹字幅賜卿等觀看 又 賜臨米芾書七言律詩一首

御書千字文跋賜大學士

臣吳璵

康熙四十二年五月二十二日 恭紀附

朕臨米芾書千字文數卷此卷賜大學士吳璵吳璵爲人寬厚和平持已清潔先任封疆文武軍民受其實惠者至今頌之朝中之事面折廷爭必得其正朕甚重之故

書其後以紀其大臣之體

臣璵先後蒙

賜御書者六璫璪輝煌

恩施稠疊固已欽爲至寶懸奉珍藏矣康熙癸未夏五月

二十有二日諸臣赴暢春苑奏事訖尋傳

旨召臣玉書臣璵臣廷敬及左諭德臣昇至澹寧居中

使捧

御書千文一卷口宣

諭旨特以賜臣璵并書

御製獎勵之辭於後臣璵同三臣恭閱莊誦至於再三仰

見

宸翰光華象垂雲漢

王言簡重體邁典謨臣璵拜手稽首敬謝

天恩驚喜感愧一時交集又各蒙賜食加以御膳復

命臣等泛舟至淵鑑齋觀千葉蓮花各賜蓮花一餅

隨即叩頭謝

恩畢忭舞而歸臣璵竊伏自念我

皇上知人則哲度越古今更慎於簡拔敷奏明試久而益

信臣璵自通籍以來敷歷中外靡有他途惻惻無華

迂疎硯拙惟恃兩涘巖疆常虞覆餗欽惟寬仁停

聖明知遇夙夜冰兢舜致治之盛心也臣璵恪遵

大與民休息堯舜致治之盛心也臣璵恪遵

聖訓奉以周旋幸無隕越嗣府超擢荐任黃扉祗期精

白一心庶幾對揚

休命乃承

皇衷眷注褒勉逾常揣分捫心彌增悚惕既裝潢成軸珍

襲以示子孫謹勒諸碑石恭紀末簡用慶遭逢之盛

傳天下後世知樸實如臣璵者亦深荷

主知屢邀寵錫而此卷尤為異數云

御書詩扇賜大學士臣吳璵

下長江舟中作

一鷺蘆中起雙鷗沙上鳴翠煙含碧嶂瑞靄覆雙洲

轉牙檣亂江流大塊橫智仁山水德動靜也移情康熙四十四

二年五月初九日

山莊書懷示大學士

待旦勤勤望雨晴京南塞北察安氓已知雲鮪無靈潦

未卜田間有稻稷八月秋成歡宇內四方風景解春卿

大川舟楫同憂感更覺凝承信洛英康熙四十四年八月十一日

御書扁額賜大學士臣吳璵

風度端凝康熙三十九年六月二十六日

思誠堂康熙四十一年四月初六日

御書對聯賜大學士

臣吳琬

約失之鮮矣誠樂莫大焉

康熙四十一年十二月初四日

恒心依北斗生意屬西銘

無技喜推天下士有懷愛讀古人書

俱康熙四十三年十二月二十七日

御書詩幅賜甲戌科進士

臣吳時謙

康熙四十二年

克魯倫河上流雨後草生

晚從岸曲駐前旌雨歇行營草怒生一望青青河上色

平蕪共聽馬嘶聲

副祭大學士謚文端吳琬文

康熙四十五年二月十八日

皇帝諭祭保和殿大學士兼刑部尙書諡文端吳珣之靈
曰國家褒崇舊德恩必渥於始終篤念老成禮不殊乎
存歿用備哀榮之典丕彰彌亮之賢爾保和殿大學士
兼刑部尙書吳珣操履端方性資凝重初官邑宰早著
循聲擢任銓曹允孚物望迨晉階於卿貳惟知潔已奉
公旋開府於荆湘尤克正身率屬總憲綱而丰裁卓立
掌邦禁而讞鞠持平嘉才品之兼優久資心膂鑒蓋誠
之自矢特畀鈞衡慎以居躬每贊襄平國是清能容物
更儀表乎官常倚眷方殷遽聞溘逝軫懷何已彌念前

勞載考彝章爰頒諭祭嗚呼靖共匪懈固守職之恒經
寵卹攸隆乃勸忠之至意陳茲奠醴聿逮下之仁賁
及泉壚式示酬庸之義靈其不昧尙克歆承

御賜大學士諡文端吳璵墓禔

康熙四十七年
四月十二日

國家登崇良弼翊贊鴻猷其有歷中外而聲績聿彰勤
夙夜而恪恭匪懈則必恩深存歿禮備哀榮用以獎老
成風有位典至鉅也爾保和殿大學士兼刑部尙書諡
文端吳璵賦性寬和持躬敬慎初膺民社卽號循良累
任京朝咸勤職守由開府而晉總制荆湖宣保障之勞

陟憲長而掌秋曹法紀著公平之譽特遷政府俾佐化
權翼翼小心益篤盡誠之愷休休大度盡消偏黨之私
寄以腹心正資調燮忽捐館舍深用憫傷溯敷歷於生
平始終罔玷念勤勞於密勿褒恤宜優諡曰文端表乃
懿行嗚呼舊德夙昭新恩載煥特頒綸綍用增泉壤之
光爰勒碑石永資松楸之色

諭祭大學士諡文端吳璵文

雍正十一年十一月初三日

皇帝諭祭保和殿大學士兼刑部尚書諡文端吳璵之靈

曰翊熙朝之泰運端重良臣稽冊府之鴻猷宜崇元祀

蓋成勞懋著生平之風槩如存斯盛烈昭垂奕世之寵
褒益篤載申綸綍式薦牲醪爾吳璵慎以持躬清以勵
俗蜚聲縣令布惠政於湖湘晉秩京卿樹芳型於臺閣
歷保障撫綏之任經緯咸宜膺股肱心膂之司初終罔
替於戲流芬竹帛卓然一代之完人樹範巖廊允矣千
秋之茂典列豆邊於祠宇渥澤攸隆布筵几於里閭湛
恩登沛靈其不昧尙克歆承

前代御製

追封介之推勅

宋

年

惟神之生嘗以羈勒從晉侯行天下而不言祿晉人思之卒與其母隱死於深山而不顧可謂忠廉自信之士矣則其歿也宜為明靈血食於其土守臣來告有禱必從庶民之德是不可以無報錫命侯爵神其享之宜特封潔惠侯

定祀名號詔

明洪武二年

自有元失馭羣雄鼎沸土宇分裂聲教不同朕奮起布衣以安民為念訓將練兵平定華夷大統以正未維為治之道必本於禮考諸祀典如五嶽五鎮四海四瀆之封起自唐世崇名美稱歷代有加在朕思之則有不然天嶽鎮海瀆皆高山廣水自天地開闢以至於今英靈之氣萃而為神必皆受命於上帝幽微莫測豈國家封

號之所可加瀆禮不經莫此為甚至於忠臣烈士雖可
加以封號亦惟當時為宜夫禮所以明神人正名分不
可以僭差今命依古定制凡嶽鎮海瀆並去其前代所
封名號止以山水本名稱其神郡縣城隍神號一體改
正歷代忠臣烈士亦依當時初封為實號後世溢美之
稱皆與華去其孔子闡明先王之要道法天下以濟後
世非有功於一方一時者可比所有封爵宜仍其舊庶
幾神人之際名正言順於理為當用稱朕以禮祀之
意欽此

本州城隍定號

沁州城隍之神

牛山嘉澤顯濟王定號

伏牛山龍泉之神


漳源利濟侯定號

漳河之神

祭伏牛山龍泉神文

嘉靖三十五年
二月二十八日

皇帝遣戶部左侍郎鄒守愚致祭於伏牛山龍泉之神
曰惟神受命上帝鎮奠一方茲者山西蒲解澤臨汾臨
晉翼城聞喜襄陵靈石安邑榮河平陸芮城夏縣等州
縣及河東運司各因地震接連千里嚮聲如雷震倒房
舍壓死人民不計其數維茲災變異常予深用皇惻特
遣大臣敬齋香帛往詣祭告伏冀明神贊天敷祐旋斡
化機潛消劫難錫福生民地方其永賴焉謹告



疏

請復沁州疏 萬歷三十二年

明俞汝為 見名

山西新改汾州府沁州鄉民臣孟希思等奏為鬱苦冤
鳴乞天復制以甦疲殘民命事伏仰祖制山西一省額
立八郡而沁當其一屹然二百餘年矣竊照國朝一十
三省莫疲於山西而山西百一郡邑莫疲於沁也原
額編戶八十里日漸凋耗今止併為四十六里土瘠路
衝差煩賦重更無殖產煤炭取之襄垣等二百里布縷
販之山東等三千里民惟胼胝農一年所獲僅足辦
輸稅糧終歲露體枵腹十已逃亡八九餘猶洵洵枵
旦夕莫支猶賴直隸布政司別無轄制蝕損勉延苟存
今萬歷二十四年驅屬新改汾州府兼割原額沁源武
鄉二縣嗟嗟苦累外倍苦累矣初汾州改府撫按行文
議屬士民不願獨積奸衙蠹武計明等十餘輩諛官誤
法朦朧稱便稱願而士民實不知也及士民赴愬兩院
蒙批果係軍民不便勢至難行仰布政司查議仍出示

此繳及布政司遵照行查被奸蠹仍復朦朧稱便稱願而士民實不知也愚弄蔽欺變亂成法乃至於此汾州府相距往返七百餘里厥路山峻水深奔歷險阻盜藪更多凡解囚犯錢糧動遭劫掠官吏師生不時調往衙役夫匠不時差撥路僻店舍殊疎猝遭風雨莫避官如鮑允登等吏如魏龍等生員如劉應乾陳監等匠役如王御李甲等驛厰馬戶如趙天臣李如賢等冒暑衝寒罹傷感疾相繼而廢業殞命者不減三四百人屬汾後五六年間民苦潦溺倒懸閭閻愁慘日夜呻吟富者貧而貧者逃煨燼遺黎又耗三分之一勢不一二載而無沁矣語曰利不什不變法矧今無利而害若此或謂已經題覆不可驟更何二百餘年祖制一旦更之又謂回復一州無充幅輒然路安止轄八縣汾以新改增割州郡過爲崇侈哉蓋汾無沁不失爲府沁屬汾則滅沒山西省之一原設郡矣士民飲屈含冤愬之府州府州禁而不敢爲愬之司院司院避嫌而又不肯奏夫人疾痛則呼父母屈抑則呼天希思等鬱鬱無聊無門控愬

故不得不一哀鳴於父母前也皇上仁育宰內視民如
傷不忍天下一物失所者豈獨忍於瘡痍民而斷一
造避乎伏祈皇上充好生之仁普大造之德體悉下情
復遵祖制勅下部院移咨山西撫按衙門着令本州仍
隸布政司沁源武鄉二縣仍屬本州誠移死就生轉禍
爲福之至仁也俾沁疲民萬萬世安堵貼席生靈幸甚
境內山川神物幸甚
窮崖寒谷沾春矣